

समे — 12:25

<><><><><>

एह आकाशवाणी जम्मू ऐ, हुन तुस पंकज कोहली कोला खबरां सुनो।

Air India Crash

ब्लाई हादसे दी जांच करने आले ब्यूरो नै अहमदाबाद च एयर इंडिया दे यात्री ब्लाई जहाज दे हादसे दी रस्मी जांच शुरू करी दिक्ती ऐ। सिविल हवाबाजी मंत्री राम मोहन नायडू होरें जानकारी दिक्ती जे हादसे दी जांच अंतर्राष्ट्रीय नागरिक हवाबाजी संगठन दी तैह प्रतिक्रिया तैहूत गै कीती जाग। नायडू होरें दस्सेआ जे सरकार इस मामले दी तफसीली जांच आस्तै बक्ख-बक्ख क्षेत्रें दे माहिरें दी इक उच्ची सतह दी समिति दा गठन करा'रदी ऐ। एह समिति डोआरिएं दी सुरखा गी मजबूत करने ते भविक्ख च इयै नेह हादसे थमां बचाह बारे उपाएं पर व्यापक चर्चा करोग। एयर इंडिया नै अहमदाबाद थमां लंदन जा'रदे यात्री ब्लाई जहाज आले हादसे च 241 लोकें दे मारे जाने दी तस्दीक कीती ऐ। एह जहाज कल दिने 1 बज्जियै 39 मिंटे पर अहमदाबाद ब्लाई अड्डे थमां डोआरी भरने दे तुरत मगरा हादसे दा शकार होई गेआ हा। जहाजे च 242 यात्री ते क्रू सदस्य सोआर हे। यात्रिएं च भारत दे 169, बरतानिया दे 53, पुर्तगाल दे 7 ते कनाडा दा इक नागरिक हा। इंदे अलावा 2 पायलट ते केबिन क्रू दे 10 सदस्य शामिल हे। गुजरात दे साबका मुखमंंत्री ते बीजेपी नेता विजय रूपाणी होर बी मरने आले च शामिल न। रमेश विश्वास कुमार नां दे इक यात्री इस हादसे च सुरक्षत बची गेआ ऐ। टाटा ग्रुप दे अध्यक्ष एन.चन्द्रशेखरन होरें हादसे च मरने आलें हर व्यक्ति दे परोआर आलें गी कंपनी दी तरफा 1-1 करोड़ रपे देने दी घोषणा कीती ऐ।

<><><><><>श

CM Review Meeting

मुखमंंत्री उमर अब्दुल्ला होरें कल एस्टेट मैहकमा माल, सैलसफा ते संस्कृति विभागें दी 2025-26 ब'रे लेई पुजीगत खर्च कन्नै सरबंधत कैपेक्स स्कीमें दा जायजा लैने आस्तै विभागिये समीक्षा बैठकें दी अध्यक्षता कीती। बैठके दरान मुखमंंत्री होरें फंडे स्कीमें दी तत्काल मंजूरी ते विकास सरबंधी परियोजनाएं दी तुरत अमलावरी जकीनी बनाने दे महत्व पर जोर पाया जेहदे कन्नै असरदार नतीजे सामने आन। अब्दुल्ला होरें आम लोकें कन्नै जुड़ी दिए सेवा गी माहिराना तरीके कन्नै प्रदान करोआने ते लोकें दिए आसं मेदे गी पूरा करने लेई करीबी निगरानी, आपसी तालमेल ते संसाधने दे पूरे इस्तेमाल दी लोड़ गी उजागर कीता।

<><><><><>

Itoo-Nature

शिक्षा मंत्री सकीना इत्तू होरें कुदरत कन्नै परतियै जुड़ने ते नोजवान पीढ़ी टकोहदा करियै कालेज ते स्कूल जाने आले विद्यार्थिएं बश्कार चौपासम दी सांम संमाल गी बढ़ावा देने दी तुरत जरूरत पर जोर पाया। मंत्री हुंदी एह टिप्पणी श्रीनगर दे कोठी बाग थाहर कुड़िएं दे सरकारी हायर सैकेंडरी स्कूल च विश्व पर्यावरण दिवस 2025 सप्ताह समारोह दी पछोकड़ै च आयोजित इक सभा गी संबोधत करदे होई आक्खी। अपने संबोधन च मंत्री होरें आखेआ जे जंगल दी कटाई ते होर दूई गैर वाजल गतिविधिएं करियै कश्मीर दे मौसम च मता बदलाव दिखने गी लब्धा करदा ऐ। उनें गलाया जे पर्यावरण संरक्षण छड़ा नीतिगत मुद्दा नेई ऐ सब्बने दी जाति जिम्मेदारी ऐ।

<><><><><>

Forest Fires

समूलचे जम्मू कश्मीर च लगातार बघा'रदे तापमान ते गर्मी दे सख्त प्रकोप बश्कार मुख सचिव अटल डुल्लू होरें मैहकमा जंगलात डिबीजनल कमीशनरें ते जिला प्रशासनें दी इक उच्ची सतह आली बैठक दी कल श्रीनगर च सरिस्ता कीता। बैठक दरान इलाके दे

सैले सोने गी जंगले दी अगग दे खतरे िमां बचाने आस्तै असरदार स्कीमां बनाने पर गल्लबात कीती गई। अगग लगने दी सूचना देने आले पैनल गी होर बी तगड़ा ते माहिर बनाने लेई मुख् सचिव होरें जंगल दे आले दोआले रौहने आले मकामी समुदाय थमां बद्ध शा बद्ध स्वयसेविएं गी पंजीकृत करने पर जोर पाया। इस सरबंधे च उनें एसएचजी िंभरें ते आंगनवाड़ी कार्जकत्तए पर टकोह्दा ध्यान देने दी सलाह दित्ती।

<><><><><><>

Prog. App. Blood

आकाशवाणी जम्मू दा क्षेत्रीय समाचार एकांश, औंदी 14 जून गी मनाए जाने आह्ले विश्व रक्तदाता दिवस दे सरबंधे च 20एं िनटें दी इक बशेश परिचर्चा प्रसारित करा'रदा ऐ। एह परिचर्चा 14 जून गी दपैह्दी साङ्गे 12 बजे प्रसारित कीती जाह्ग। इस परिचर्चा च सहाड़ी मेहमान होडन गौरमेंट मेडिकल कॉलेज अस्पताल जम्मू दे ब्लड ट्रांसफ्यूजन विभाग दिआं प्रमुख, डाक्टर मीना सिद्धु जिदे कन्नै गल्लबात करडन सहाड़ी न्यूज एंकर अभिलाषा शर्मा ते में विजय बजाज। तुस एह कार्जक्रम सहाड़े इस्सै चैनल पर मीडियम वेव 990 किलो हट्ज ते एफएम 100 इशारिया 3 मेगाहट्ज पर सुनी सकदे ओ।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कटुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 ब'रें दे बश्कार ऐ ते ओह् कटुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड्चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड्चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद् दे अंदर-अंदर रौहदा होना चाईदा ऐ। दरखास्त ते लोड्चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैह्ले-पैह्ले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Read by	Pankaj Kohli
Composed	Mukesh Gupta
Editor	Kunal Shrivatsa
Skilled	Rajat